



**RELATÓRIU TRIMESTRÁL FUNDU MINA-RAI NIA**  
**Trimestre ne'ebé termina iha 31 Dezembru 2013**  
**KOMUNIKADU IMPRENSA**

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Tolu nulu resin hat ba trimestre ne'ebé termina iha lora 31 Dezembru 2013. Relatóriu ne'e hatudu katak kapitál Fundu nian iha fim trimestre ne'e sa'e ba bilhoens \$14,9 kompara ho bilhoens \$14,6 iha fim trimestre dahuluk.

Relatóriu ne'e mós hatudu katak totál reseitas mak simu durante trimestre ne'e hamutuk millaun \$604,70 ne'ebé kompostu hosi kontribuisaun kontribuinte sira ba Fundu hamutuk millaun \$ 234,70, pagamentu *royalty* simu hosi Autoridade Nasionál Petróleu (ANP) millaun \$370,00.

Rendimentu hosi investimentu Fundu nian iha trimestre ne'e hamutuk millaun \$342,88 kompostu hosi, kupaun no jurus ne'ebé simu mak millaun \$68,10 no mudansa iha valór merkadu nian millaun \$274,77. Ne'e rezulta rendimentu ba karteira Fundu nian durante trimestre ne'e pursentu 2,33, enkuantu rendimentu sasukat (*benchmark*) nian ba periodu ne'e mak pursentu 2,27.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabeselese estratéjia investimentu tomak kona-ba Fundu ne'e nian.

Haktuir ba desizaun Ministra Finansas atu aumenta investimentu iha asoens (equities) to'o 40% iha 30 Junu 2014, gestores esternu ba mandatu asoens nian konsege gradualmente hasa'e expositaun iha asoens no atinji 34% iha Dezembru 2013.

Haktuir ba desizaun Ministra Finansas kona ba introdusaun ba alokasaun foun 10% hosi total Fundus nian ba título listada iha merkadu nasaun dezenvolidus naun-EUA ("*non-US developed market bonds*"), Banco Central liu hosi painel *transition/interim manager* ne'ebe iha nomeia gestor provisório (*transition/interim manager*) ida hodi provisoriamente maneja ho pasiva mandatu ne'ebe temi dadauk hahu iha 26 Agostu.

Mandatu ne'ebe fo ba BIS mak atu gere uniku US Treasury 5-10 years index ho karateristika risku no retornu ne'ebe hanesan mak atu dezempeña liu referencia (*benchmark*) no mantein *ex ante tracking error* iha Pontu baze 100 nia laran.

Mandatu ne'ebé fó ba Schrodgers mak atu jere portofoliu iha maneira *enhanced passive indexing* no mantein *tracking error* ida-ne'ebé relativa ba sasukat ne'ebé normalmente laliu hosi pontu baze 100, ho diferensa pezu ne'ebé mantein iha 0,5% (nivel asoens) no 2,5% ( iha nivel nasaun no setor). Laiha tempu ida mak *tracking error ex-ante* bele liu pontu baze 150.

---

**BANCO CENTRAL DE TIMOR-LESTE**

Avenida Bispo Medeiros  
P.O. BOX 59 - DILI  
TIMOR-LESTE

T: +670 331 371 2 / 4 / 5 / 8  
F: +670 331 371 3 / 6 / 7  
E: info(at)bancocentral.tl

Mandatu ne'ebe fo ba SSgA no Black Rock katak atu gere portofliu ho *passive indexing* ho objetivu atu mantain besik iha susukat (*Benchmark*), depois taxa no kustus no mantain iha *ex-ante tracking error* relativa ba *benchmark* ne'ebe normalmente la liu housi 35 pontu baze.

Banco Central de Timor-Leste jere ona portofoliu besik liu ho pontu referensia iha trimestre dala 34 dahuluk. Diferensia entre portofoliu no pontu referensia hahú housi inísiu fundus nian mak pontu baze 2 (0,02%).

Pontu importante housi Relatóriu Trimestre ba dala XXXIV, ne'ebé kobre período 1 Outubru to'o 31 Dezemburu 2013, inklui:

- Kapital Fundus nian aumenta housi bilhoens US\$ 14,6 ba bilhoens US\$ 14,9
- Osan kontadu brutu fundus nian tama housi kontribuisaun kontribuinte, realeza (royalties) hamutuk millaun US\$ 604,70
- Osan kontadu liquidu nebe sai housi Fundu durante trimestre ne'e mak millaun US\$ 552,93 kompostu housi transferensia ba OGE hamutuk millaun US\$ 550 no gastus hodi kobre kustu ba jestaun external no internal nian hamutuk millaun US\$ 2,93.
- Reseitas likidus durante trimestre ne'e hamutuk millaun US\$ 51,77.
- Rendimentu portofoliu iha periodu ne'e mak 2,33% kompara ho rendimentu referensia mak 2,27%.
- Rendimentu investimentu durante trimestre ne'e mak US\$ 342,88 millaun kompostu housi jurus titulus nian millaun US\$ 68,10 no alterasaun valor merkadu nian mak millaun US\$ 274,77.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor- Leste [www.bancocentral.tl](http://www.bancocentral.tl)

Abraão de Vasconcelos

Governador

Ba informasaun adisionál bele hetan housi:

Korreiu-Eletróniku: [jose.ximenes@bancocentral.tl](mailto:jose.ximenes@bancocentral.tl)

Telefone: + (670) 3313718

Dili, 12 Fevereiru 2014